



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

Broj: 02 -11-4-1126-17/23

Datum: 16.05.2023.godine

Na osnovu člana 23. stav (3) tačka h) i 24. stav (2) i (3) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14 i 59/22) i preporuke Komisije za sukcesivnu nabavku kancelarijskog materijala za potrebe Uprave policije, imenovane Rješenjem broj: 02/5-1-30-1-1020 od 22.02.2023. godine, u postupku javne nabavke kancelarijskog materijala, putem otvorenog postupka, zamjenik policijskog komesara Uprave policije Ministarstva unutrašnjih poslova Kantona Sarajevo, d o n o s i:

## **ODLUKU**

### **O IZBORU NAJPOVOLJNIJEG PONUĐAČA I DODJELI OKVIRNOG SPORAZUMA**

#### **I**

Prihvata se preporuka Komisije za sukcesivnu nabavku kancelarijskog materijala za potrebe Uprave policije i okvirni sporazum za javnu nabavku kancelarijskog materijala za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- R&S d.o.o. Sarajevo i to:
- ✓ LOT 2 – pisaći pribor, pribor za sto i drugi kancelarijski potrošni materijal za ponudenu cijenu od 31.799,54 KM bez PDV-a

#### **II**

Postupkom javne nabavke predviđeno je potpisivanje Okvirnog sporazuma na period od 12 (dvanaest) mjeseci. Okvirnim sporazumom Ugovorni organ i Dobavljač mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.

#### **III**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog ugovora o nabavci dostavit će se na potpis izabranom ponuđaču R&S d.o.o. Sarajevo po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.

#### **IV**

Izabrani ponuđač R&S d.o.o. Sarajevo dužan je da u roku od 5 (pet) dana od dana prijema ove odluke dostavi dokaze navedene u tački 12. tenderske dokumentacije, a koji se odnose na član 45. stav (2) tačka a) do d).

Dokazi koji će dostaviti odabrani ponuđač moraju biti original ili ovjerena kopija i ne mogu biti stariji od 3 mjeseca, računajući od momenta predaje ponude.

#### **V**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

## Obrazloženje

Na osnovu Odluke broj: 02-11-4-1126/23 od 23.02.2023. godine, Obavještenja o nabavci broj: 16475-1-1-9-3-64/23 od 24.02.2023. godine i Ispravka za obavještenje o nabavci broj: 16475-1-1-9-8-82/23 od 11.04.2023. godine, proveden je otvoreni postupak javne nabavke kancelarijskog materijala za potrebe Uprave policije Ministarstva unutrašnjih poslova Kantona Sarajevo.

Zbog izjavljene žalbe na tendersku dokumentaciju za LOT 1, donesen je zaključak o obustavi postupka za LOT 1 broj: 02-11-4-1126-10/23 od 24.04.2023. godine. Shodno članu 98. stav (3) Zakona o javnim nabavkama, Izjavljena žalba ne sprečava potpisivanje ugovora o javnoj nabavci za lotove na koje nije izjavljena žalba. S obzirom na citiranu zakonsku odredbu, obustava postupka za LOT 1 nema suspenzivno dejstvo na tok postupka za LOT 2.

Prema Zapisniku sa otvaranja ponuda, broj: 02-11-4-1126/23 od 24.04.2023. godine, za aktivno učešće u postupku za LOT 2 dostavljena je ponuda ponuđača R&S d.o.o. Sarajevo.

Komisija za nabavku kancelarijskog materijala za potrebe Uprave policije (u daljem tekstu Komisija) izvršila je pregled i ocjenu dostavljene ponude, te sačinila Zapisnik o pregledu i ocjeni ponuda, broj: 02-11-4-1126-16/23 od 15.05.2023. godine, kojim je utvrdila slijedeće:

- da ponuda ponuđača R&S d.o.o. Sarajevo za LOT 2 sadrži sve elemente tražene tenderskom dokumentacijom, odnosno da ispunjava sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjava sve zahtjeve Ugovornog organa.

U ponudi ponuđača R&S d.o.o. Sarajevo za LOT 2 izvršene su ispravke na stranama 20., 21., 22., 23., 24., 27., 46. i 47. Ispravke su vidljive, prekrížene, potvrđene potpisom, datumom izvršene ispravke i pečatom, na način utvrđen tačkom 14. tenderske dokumentacije.

U postupku je podnesena samo jedna prihvatljiva ponuda:

- R&S d.o.o. Sarajevo za ponudenu cijenu od 31.799,54 KM bez PDV-a.

te postupajući u skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) postupak se okončava primjenom člana 69. Zakona o javnim nabavkama.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjele ponude u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14 i 59/22), Zapisnikom o pregledu i ocjeni ponuda riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14 i 59/22).

**ZAMJENIK POLICIJSKOG KOMESARA**  
**Glavni inspektor**

**Fatmir Hajdarević**

### Dostaviti:

1. Komisiji za sukcesivnu nabavku baterijskih uložaka
2. Ponuđaču
3. Odjeljenju za odnose s javnošću, radi objave na web stranici ovog organa
4. a/a